

小草齋續集

小草齋續集目錄

卷之一

之滇留別長安諸子

戊午初度

出都道中

九月八日風雨憩安德

荏山遇雨

東平山行

過鄒魯志感八韻

彭城道中

鳳陽道中

信州遲家室

久客信州二首

喜謝弟至卽別

鄴紀七十七首

有引

發信州

宿興安

重過弋陽

貴溪道中

重過安仁

次東鄉

次進賢

宿查溪公館

豐城懷興公

次臨江

新喻道中

分宜

秦州

萍鄉

醴陵

荷塘

長沙阻雨

寧鄉

益陽

龍潭驛

龍陽

武陵

桃源道中

鄭家驛

新店

界亭

馬郎

浪州

船溪

浪溪縣

山塘

懷化

羅舊

沅州

便水

晃州

平溪

清浪

入鎮遠

偏橋

興隆

清平

平越

新添

龍里

貴陽

威清

平壩

安順

安莊

關嶺

頂站

安南

新興

普安

亦資孔

平夷

白水

幽靖

馬龍

易龍

楊林

板橋

入滇城

安寧驛樓

祿脰

祿豐

捨資

廣通重讀用修垂柳篇

楚雄

呂合

沙橋

普溯

雲南

定西嶺

趙州

大理

以上計七十七首

安仁望天池閣

鍾陵別徐興公

徐橋重別興公

過辜家渡

彬江讀錢仲舉壁間題

袁州逢立春

蘆溪謁宋萍鄉令鄭公祠

見梅花

長沙感舊二首

戊午除日客長沙

己未元日苦雨二首

贈穀城王德長

長沙王禹山招飲賦贈

贈李醫

發長沙

過滄江渡

有屈漁問對亭

桃川洞

題桃源洞

過江進之居見其子禹疏孫東相二首

馬鞍山

新息侯祠

箐山

辰沅道中

玉華洞

鐘鼓洞

飲中河

山塘西
二十里

寅口

懷化西
四十五里

入黔四首

度雞鳴關

鎮遠贈盧少從參知二首

舊長
樂令

遊鎮遠中源洞

偏橋感事

華嚴洞

舊名枕
杷洞

飛雲巖

雲溪洞

貴陽贈張元平大中丞四首

安順署中小山

雙明洞

關索廟二首

盤江

碧雲洞

度碧雞

安寧溫泉次楊用修韻

捨資讀楊用修垂柳篇

青華洞

入署四首

之雞足道鄧川宿淨度菴

放光寺

登玉皇閣

登雞足

登雞足絕頂

宿水月菴

石鐘寺

華嚴寺觀 賜藏

望點蒼山

三塔寺

弘聖寺

亦名一塔寺相傳
阿育王所造塔也

觀瀾閣望洱河

六月廿五

滇中火把節

中和山一首

登郡譙

南詔五華樓故址

七月廿二日西洱河觀舟戲

已未初度

作家書

冬日行部

長至後宿鄧川

和山花

有引

蒲陀崆

宿觀音山驛

鶴慶道中二首

望雪山

鶴慶懷古

發鶴川飯鵝哥舖宿金沙江濱二首

渡金沙江

順州

比勝州

宿達里哨

賓州

烏龍廟

巴來除日

庚申元日

感通寺

送李達生刺史遷蒲郡丞二首

庚申三月賡捧北上

祿豐道中風景宛如去年來時所見

次松林驛

炎方驛

傷靄益

儻塘

可渡

發可渡至烏撒遇雨

雨中滯烏撒

兩次瓦甸

次黑張

過七星關

是孔明祭旗處

周泥

畢節

懷莫愁待兒

歸化

閣鴉

端陽寓閣鴉

金雞

春香

一名西溪

水西

谷里

六廣

龍場謁陽明先生祠

遊陽明洞

沙木站

度烏江

遵義

舊播州

遵義道中

三渡關阻水

龍泉道中苦涉

客路瀨夜虎入室且聞苗警

思南坡

武陵送桃葉侍兒南歸

竹林寺謁寇忠愍公祠

江陵懷古

過張相國故居

襄陽懷古

南陽

博望

葉縣

襄城

新鄭

鄭州道中

渡黃河

衛輝

鄴城懷古

叢臺

順德懷李于鱗先生

渡滹沱感事

賁奔入都恭遇
大行皇帝上賓哀述二

首

泰昌 大行皇帝哀述二首

定州道中

出京渡黃河

洛陽懷古二首

鞏洛道中

陝州 召伯甘棠處

鼎湖有感

入潼關作

渡渭及涇

咸陽

馬嵬

秦嶺

棧道

梁州

武關道中

褒城

五丁峽二首

入蜀

朝天嶺志哀

閬中

夢歸

安岳道中

瀘州東蘇來卿觀察

永寧觀虎

入滇

庚申除日

辛酉禿日

天生橋

傳是大士鑿
洩洱水處

永平道中

打半坪

渡蘭滄江

飲九隆池作

暮春登永昌城二首

傳衣寺

大覺寺

重過華嚴寺

悉檀寺

九鼎山二首

初春二日同樊尚默學使飲一塔寺

滇曲二十首

別滇

小草齋續集卷之一目錄終

小草齋續集目錄

卷之二

送延平鄒司理赴部

周喬卿移居二山喜贈

重過岐江寺

永陽重光寺

宿重光寺用壁間韻

題永陽林生綠榕軒

宿綠榕軒

過太原灘有懷

草堂寺

在永陽之埔垵

耶呼嶺二首

鳳皇寺

在永福之杉洋從鳳皇山下徙此

宿杉洋鮑氏

贈鮑叟

十里林二首

名山室四首

方壺二首

將至雞巖憩坐庄院

雞巖二首

宿雞巖黃林二生自麟峯携觴至乞書

雞巖雜詩六首

雞巖歸遇雨憩清涼寺

重游方廣巖同徐興公陳汝翔作

由小雄溪入龍潭觀瀑布

是王予血腸
讀書處

重過懸漢巖悼陳履吉

鏡上人六十

鄭尉五十壽言

長樂萬侯考績

永陽林母七十

壽其冲從父八十

有引

題壽意圖

德州郎中讀燕姬瓊英壁間題

附瓊英詩

丙辰除日客河間逢立春并東柯季和太

守

丁巳元日客河間

渡江

代林志唯太常訓齋郎三章

長安逢高詔嫩賦贈兼懷君雅

爲杜大將軍弼武作三首

壽唐太史尊人八十

送郭得一之莆娶婦

節壽詩

送李公翁讓直指南歸

寄壽其賢叔八十

贈米仲詔水部

贈蜀僧如芳

送潘克明將軍之閩

壽李光祿母

壽秦儀部尊人

送王季重之齊

送孫肇伯守泗州

贈留都黃大司馬二首

送林參軍

答戴大圓自嘲之作

蓮華菴避暑二首

南州書院圖爲徐光祿賦

送阮集之大行使閩兼懷堅之舊司理

凌家仙井歌

偶書

寄潘穉恭

題南州菴

秋夜同戴大圓集程鹿華齋中分得城字

題張濟美給諫黃山卷

馮徵君九袞詩

送牟侍御按甘肅

紅線

送馬季聲倅興國

嚙臂詩爲許光祿君信賦

贈光祿其瑳叔

歲暮二首

贈張光祿

王母節詩

丁巳除日

戊午元日

送陳楚彥授南太僕丞

送王永叔開府閩中

送葉景僕令臨晉

送王伯良歸山陰

春夜邀張去華陸君可莊冠甫程長卿王

卷之四
年
蓋卿吳于達齋中小集分得衣字

胡君長山人入都出劉公嚴詩畫相示感
爲賦此

贈周茂才

送錢仲舉之清江

送徐水部治河高郵

送葉讓卿守郢中

石假山

送林君勉之甫司訓

送張子長之許墅

送黃中宜之塞上

贈江若海

和顧孝直紙榻詩

卷之三

重過鎮遠感事兼悼盧少從

宿宣風公館

宿北澤

入杉關

吊謝伯元

鄭孟麀携觴過積芳亭兼送陳汝鑑儀部

顧世卿光祿還朝

辛酉元日曹能始招偕同社石倉登高分

得四質

陳泰始侍御招同社雨集兼喜吳去塵自

新安至時余將之粵西得花字

之粵西留別同社

重過安仁望天池閣二首

荷塘行百里投宿湘潭

宿湘潭

入桂林作

壬戌立春

辛酉除夕

壬戌元日

登逍遙樓觀顏魯公題蹟

暮春登疊綠山觀風洞

登獨秀山

送黃唐叔叅藩入賀

壬戌初度病作

遊七星巖棲霞洞十六韻

壬戌除夕時二兒歸里尚在中途

癸亥元旦示莫愁侍兒

遊龍隱巖

有元祐黨人碑

偕竺二都護登堯山

入全州

壽唐母六十

喜能始至

送竺都護之虔州

癸亥初度答曹能始鄭孟麐

送張孟雨從事入賀

偕關德甫學憲曹能始參知邀鄧玄度觀

察逍遙樓一作

小草齋續集卷之二卷之三目錄終

小草齋續集卷之一

滇中稿

晉安謝肇淛

弟肇湘肇澍較

之滇留別長安諸子

簡命新參六詔藩西風吹馬出都門十年執戟
何人問萬里投荒亦主恩蠻樹夜深丹虺耀
瘴雲春起碧雞昏故人霄漢勞相念北地南天
一夢魂

戊午初度

且喜懸弧日初當拜命時
君恩新賜紫客鬢
舊成絲塵事催年老閒心任宦遲
祇應愁遠道
未有入山期

出都道中

素節逢秋暮行人已離燕水村
山郭路寒雨暖
風天白墜初開肆黃雲晚穫田
霜前梨棗熟仍
得賣新棉

九月八日風雨憩安德

三秋驅傳向殊方却望并州憶
帝鄉馬首凍

雲時作雨天邊孤鴈乍啼霜木棉吐子花初白
堤柳迎人葉半黃南菊未逢人卧病不知明日
是重陽

在山遇雨

愁髻對殘更塔前蟋蟀鳴羸驂投古驛寒雨平
孤城霜斷驚鴻影風傳搗練聲秋光政搖落况
復夜郎行

東平山行

盡日沙塵裏今朝幸見山雨深崖色古橋老蘚

紋斑疲馬嘶不息倦雲飛復還不知勞役者行
到幾時聞

過鄒魯志感八韻

居東逾十載此地飽經行
攀盡長堤柳聽殘野
戍更有村皆記里無驛不題名
立馬看秦篆行
河過魯城探窮丘壑勝慣得吏人迎
負弩當年
事遺簪此日情
紫衣新節使白首舊諸生
萬里
從今別并州
淚滿纓

彭城道中

迢迢驛路出南徐
百里村煙一望無
曠野尚疑爭戰地
亂山猶拱霸王都
冰猴往事隨流水
戲馬空臺起夜烏
目極孤城河似帶
私應無計鎖天吳

鳳陽道中

征車幾度出中都
離思愁心涕淚俱
百里霜中平楚瘦
數家村口晚砧孤
人逢南菊時多病
鴈帶西風獨自呼
萬事艱難氛祲急
歸來端不爲尊鱸

信州遲家室

斷鴻落木楚雲秋
寒雨空山卧信州
官在日南家海上
夢魂無主夜悠悠

久客信州二首

宦拙病相仍棲遲也
自應山多時作雨溪急不
成冰衰髮殘年客
虛堂獨夜燈鄉關空咫尺
魂夢杳難憑

舉目關河異傷心寇盜繁
高秋京國泪永夜故山魂
村豹雨中吠霜禽窓外言
敝裘雙短髯獨

立送黃昏

喜澍弟至卽別

閩山不可見勞爾遠相尋
風雨連牀夜關河萬里心
高堂華髮暮茅屋白雲深
珍重早歸去時時惠好音

鄴紀七十七首

有引

余以戊午之嘉平發信州翌歲春季抵滇計
程六千餘里山川旣備郵置殊僻蠻甸鬼方
非軒輶之使所常經行也故懷鉛槧橐中隨

所至錄之以當指南昔人謂少陵爲詩史今
余此編謂爲詩郵可矣郵凡七十有七詩若
其首

發信州

滇海閩山萬里遙馬頭分背入溪橋溫裾已絕
田荆散此是離人第一宵

宿興安

亂峰迢遞繞孤村數尺寒城石結門空館蕭條
風雪裏暗燈山鬼對黃昏

重過戈陽

百雉連山水一方水煙嵐靄其斜陽十年風景
依稀別猶有啼鳥上女牆

貴溪道中

林端雪霽北風寒白草丹山路百盤落日漸低
郵舍遠馬頭一點是天冠

重過安仁

重來喜劇復成悲錦水猶存去後思七載舊遊
人已少不須更問鯉庭時

次東鄉

山徑高低水亂流
短衣羸馬不勝秋
數聲戍角孤城閉
無奈征人萬里愁

次進賢

鍾陵北望豫章城
南浦西山百里程
却爲陳蕃曾下榻
祇今猶記進賢名

宿查溪公館

亂山孤館旅魂驚
茅屋人稀虎夜行
燈火無光厨傳散
啼餓八口上豐城

豐城懷興公

相逢相送意依然
旅館懷人獨不眠
兩地中宵看劍氣
不知會合是何年

次臨江

樟樹鎮前雲水鄉
家家賣藥似韓康
客身多病耽延訪
到得臨江已夕陽

新喻道中

迢迢山徑逐溪灣
疋馬衝泥路轉艱
辛苦征人莫長嘆
夜郎更有萬重山

分宜

山圍百雉古江鄉
雲鎖平泉舊日莊
歌舞人亡臺榭盡
亂蟬無主咽斜陽

袁州

昌山西渡指宜陽
合沓群峰一水長
處處霜林黃橘柚
客程知已近三湘

萍鄉

萍實當年觸楚舟
萍鄉遺邑至今留
不堪更作浮萍客
人自東西水自流

醴陵

萍鄉西上萬山低
路入湘南近五溪
日暮東風吹雨急
連天芳草鷓鴣啼

荷塘

山路迂迴百里程
西風馬首雪初晴
荷塘空驛無官吏
客子停車不可行

長沙阻雨

孤蓬漂泊楚天涯
風雨三湘度歲華
萬里客程今未半
賈生何事薄長沙

寧鄉

小邑無城石作關
水田高下半依山
一番春雨犁鋤後
處處耕牛帶犢還

益陽

粉蝶斜連古渡頭
閒庭芳草對人愁
無情三月桃花雨
滴盡寒宵不肯休

龍潭驛

白鹿山前鳥道迴
龍潭西接五溪來
子規喚雨東風急
無主碧桃春自開

龍陽

木奴洲上水廻環翠蓋黃金日月閒漫道桃源
堪避世此中亦自有商山

武陵

東風二月草如茵柳線桃花夾去津千里桑麻
絃管沸不須更羨避秦人

桃源道中

春風籬落酒旗閒流水桃花映碧山寄語漁郎
莫深去洞中未必勝人間

鄭家驛

春畦積雨草縱橫盡日山椒水畔行
鳥道連雲灘噴雪更堪林外子規聲

新店

千疊懸崖百道溪錦韉香幙半成泥
多情惟有桃花片盡逐東風送馬蹄

界亭

百折寒溪涉不停辰龍關上亂峯青
楚天行盡蠻天近煙火山腰是界亭

馬邸

馬邸山前驛路賒雲中鳥道夾溪斜
沅江三月連旬雨零落半山桃李花

辰州

行盡千山見井闌郡城百雉枕江濱
沅江日夜東流去愁殺西行渡水人

船溪

船溪溪洞接諸夷煙瘴全銷異昔時
四野山青春水碧桃花如錦柳如絲

辰溪縣

斗大孤城亂壑間，居人盡是五溪蠻。
時平始識春農樂，荷鋤歸來犢滿山。

山塘

大酉山前落日黃，候人迎客宿山塘。
半窓月色清如水，一樹枇杷出短牆。

懷化

曲曲溪橋接遠村，山程迢遞易黃昏。
愁雲漠漠梨花雨，不是行人也斷魂。

羅舊

宿雨濛濛不肯晴
窓前百舌弄春聲
行行雲散
青山出樹杪
寒泉百道鳴

沅州

周遭山色雨空濛
萬竈連薨九陌通
山上孤城
城上屋客身
渾似在閩中

便水

渡水登山已夕陽
層灘鳴咽路羊腸
馮頭莫訝
逢人少
纔過沅州是鬼方

晃州

日午前山霧未消楚天西盡接三苗吳公關上
雲迢遞謝豹聲中夜寂寥

平溪

戍堡雲屯丘垤齊連天鳥道入平溪年來謾說
烽煙息猶自弓刀護馬蹄

清浪

蒼山合沓隱孤城列戍雲屯萬戶迎百里蕭條
雞犬盡行人容易莫談兵

入鎮遠

石虎溪前驛吏迎萬峰中劃出孤城綵雲咫尺
天南見只隔黔巫十八程

偏橋

天險重關鳥不飛關頭戍卒鐵生衣傷心十載
偏橋月照盡游魂未得歸

興隆

乾田一夜羽書馳客子心驚馬步遲今日材官
新獻馘雲巘草木盡旌旗

清平

清明次日

路人黃平戍卒稀
亂山瘴雨浥征衣
傷心祭掃山頭婦
一夜烽煙半不歸

平越

漠漠暮雨濕衣寒
驅馬雲中度七盤
鐵壁虹橋臨絕壑
郡城遙在亂峯端

新添

新添衛帥鎮烏蠻
百隊連營萬疊山
雲物淒涼烽火急
十年戍卒幾人還

龍里

馬桑峰口鼓聲聲甲卒蒐山送客行五十里中
烟斷絕暮鴉寒雀滿荒城

貴陽

歷盡危峰入貴陽漢官文物變蠻荒春山如黛
城如錦遷客何須怨夜郎

威清

貴陽西上四十里山路夷猶翠楚中杜宇無聲
南鴈盡不知何處有東風

平壩

愁雲三月風滿溪一日一程西更西鬼門關外
無相識頭白老鴉朝暮啼

安順

郡治新開疊嶂中符願銅虎軼脂熊龍窩山下
多烽火時照蠻天夜夜紅

安莊

安莊驛路控山阿山後山前枹鼓多安得時平
舞干羽雙明洞口聽漁歌

關嶺

嶺路蛇縈高入雲嶺名猶記漢將軍英雄骨朽
炎灰燼時有霜風樹杪聞

頂站

頂站高於關嶺高羊腸一線入蓬蒿平臨鬼國
千峰上俯首盤江萬里濤

安南

瘴滿盤江鴈不過征人愁上馬庄坡行來已覺
天非遠回首長安遠較多

新興

浦西關上望新興烟火孤村暮靄疑山路漸夷
氛侵息野花芳草夾垂藤

普安

日出烟消列戍閒翠微丹嶂水潺湲鷓鴣叫斷
東風裏躑躅花開火滿山

亦資孔

萬山行盡瘴烟銷平楚蒼蒼沃野饒兒女尊前
休浪喜到滇日近到家遙

平夷

丹壑流霞雜翠松，遠山天際列芙蓉。
香林軟草滇南路，已隔蠻天數萬重。

白水

石城山路尚崔嵬，山外重重沃野開。
白水關頭春已老，杏花溝地燕飛來。

曲靖

交水關頭路豁然，平川千里盡桑田。
香衢綺陌平如水，始信西南別有天。

馬龍

龍種權奇出夜郎
蠻天安得遇孫陽
可憐風雨鹽車下
猶自長嘶上太行

易龍

路遶龍關已夕曛
暮烟嵐靄共氤氲
窮村猶自聞枹鼓
夜拭塵埃看斗文

楊林

雨後青山正好看
龍關鳳嶺路盤盤
夜來客夢渾無緒
不在長安在晉安

板橋

檐帷暫駐板橋南
紫綬金魚次第探
西望昆明三十里
綵雲片片撲征驂

入滇城

馬首滇陽官吏迎
九千里路半年程
碧雞金馬休相笑
不爲名山不遠行

安寧驛樓

雄關百二似邊州
水落螳川澹不流
山色千重家萬里
不須更上仲宣樓

祿脤

萬井千山宿雨清
孤郵曠野暮雲平
勞勞行役何時息
又過滇陽第二程

祿豐

是日立夏

戎葵滿院木蓮斑
眼見春光去不還
惟有征人未休息
黔山行盡又滇山

捨資

驛樓有楊用修垂柳篇

響水關前瀉怒濤
捨資驛控嶺雲高
樓頭仙史殘碑在
千載何人爲友騷

廣通重讀用修垂柳篇

啼鶯乳雀百花中
踏盡山雲入廣通
遷客何須怨垂柳
滇南燕北總春風

楚雄

威楚雄關百二重
天風吹散紫芙蓉
千年陵谷沉灰地
猶有西崗表卧龍

呂合

五樓峯上紫雲關
鶴馭秋風幾日還
白骨不隨雞天去
至今遺恨滿空山

沙橋

山路嶽嶽箐路深微雲送雨日光流沙橋古驛
居人少卧聽霜原橫笛音

普溯

金雞關上樹連雲洱海滇池此地分爭道熊車
初入境朱旂十隊騎千群

雲南

平原百里遠山圍井邑依然世已非今日臨關
多紫氣錯教人道彩雲飛

定西嶺

白崖鳥道漢時開
銅柱高標日月迴
丞相天威
今似昔蠻烟銷盡客車來

趙州

鳳山廻合繞重闌
平楚香林百里春
馬首點蒼
青似染雲橫玉帶雪堆銀

大理

山列蒼屏水倒流
龍關遙控古梁州
愁人莫上
高樓望此是西南天盡頭

安仁望天池閣

山城茂宰古神仙鶴去琴亡五十年陵谷半遷
遺老盡獨留高閣錦江邊

鍾陵別徐興公

相逢宜喜劇何事復成悲共有思家淚兼之臨
路岐劍光冲斗盡棘道入雲危已悔吾非策君
歸勿後時

徐橋重別興公

千秋兩孺子懷古卽思君榻是當年下襟從此

地分短橋傳故址空館閉寒雲仲舉遙相待無
須立斷群

過辜家渡

辜家渡口水如烟客子停車待渡船村塾兒童
爭問訊雲南更說在天邊

彬江讀錢仲舉壁間題

美人爲政古無雙遺墨猶存傳舍窓今日思君
千里外清江應復似彬江

袁州逢立春

宜春城裏政逢春
綠勝梨園隊隊新
淑氣漸蘇多病骨
香風輕散六街塵
東方羽檄何時定
南國誅求到處貧
謾道陽和芳草遍
天涯尚有遠行人

蘆溪謁宋萍鄉令鄭公祠

鄭公名強閩三山人宋崇寧進

士有遺澤橋

蘆溪橋下水潺潺
仙令荒祠野戍間
遺像凝塵香火冷
殘碑猶認是三山

見梅花

歲暮春先到它鄉客獨看長天無驛使欲寄一枝難

長沙感舊二首

龍去鼎湖遺邸在鶴歸華表故宮秋回思四十年前事昔日兒童今白頭

猶憶書窓接後園天桃古柏繞南軒中郎去後
枯桐爨無復青青一樹存

戊午除日客長沙

家家爆竹鼓喧闐倍起愁心未得眠萬里驛程

勞病骨孤燈風雨送殘年湘江草綠人先老聞
海天長信不傳牛馬一官頭白盡悲歌還欲拊
龍泉

己未元日苦雨二首

萍蹤寄寓楚天遙忽報春光上柳條苦雨偏從
愁裏聽繁霜不向鏡中消長途多病時親藥空
館無人罷頌椒却憶去年元會散佩聲寒滿玉
河橋

普天佳氣布青陽辛苦征人向夜郎馬齒又隨

新曆長鼠肝真覺此生妨風塵冉冉駒過隙時
事悠悠燕處堂何用湘潭問漁父卜居久擬託
滄浪

贈穀城王德長

殘年文酒會天涯赤幟先標帝子家秀骨天成
龍有種新詩人羨兎生花蘭臺自擅雄風在郢
曲誰將白雪誇却笑妍詞非宋玉也從客右賦
飛沙

長沙王禹山招飲賦贈

西園飛蓋倒金卮猶似當年設醴時
賢主尚能愚故劍老臣今已得遺箕
梅花玉綻春先透柏葉杯深凍不知
靜夜雄談驚四座未應八斗有臨淄

贈李醫

名朴臨江人寓長沙

麗眉真有道國手更無倫
暫作湘潭客何殊秦越人家隣
樟樹渡門醉杏花春日日壺中隱
長房是後身

發長沙

客舍樓遲已月餘愁看臘盡又春初湘江也惜
人離別堤柳絲絲綰去車

過滄江渡

有屈淵
問對亭

漁父當年笑屈平滄江渡口揭孤亭夜郎亦有
行吟客不向江干怨獨醒

桃川洞

洞雲深閉翠饌餽雞犬桑麻定有無惟有桃花
藏不住年年春色似仙都

題桃源洞

仙源曲曲沿溪去傳是秦人避秦處隱者渾忘
別後年漁郎尚記來時路路轉雲迷空復迴石
牀丹磴盡莓苔洞中雞犬今何在水畔桃花猶
自開

過江進之居見其子禹疏孫東相

同調復同門心期隔九原白楊今已拱玄草共
誰論泌水遺居舊名山大業存傳家有餘慶蘭
桂自軒軒

避地憶邗溝同爲汗漫遊尊前出兒女醉後狎

千古恨空令戰鬼哭秋雲

羽檄連年鐵馬奔草頭盡帶血腥痕至今戰壘
春深夜猶有遊燐照旅魂

度雞鳴關

雞鳴關路入雲高巖壁陰森水怒號列戍山頭
勞轉餽年來猶未息弓刀

鎮遠贈盧少從叅知

舊長樂令

戟門風靜大旗張帝遣詞臣鎮鬼方虎帳寒
霜飛貴竹馬江春雨憶甘棠牙軍校射穿楊葉

幕客分題賦栢梁鐵騎不嘶銅鼓卧燈前猶拂
舊干將

二

久從詞賦識南金畏路天涯各陸沈仙令已歸
猶有舄中郎未賞更無琴五溪雨漲藤橋斷萬
壑雲連棘道陰閩越滇黔俱接武爲君信宿話
同心

遊鎮遠中源洞

樹杪磴盤旋巖空石倒懸一溪黔楚界衆壑雨

晴天蘿榻寒棲鳥丹鑪暝宿烟倦遊兼絕域到此倍留連

偏橋感事

灤陽西上山益高陰森突兀相周遭羊腸百折鳥不度萬壑罡風悲怒號油榨關門不盈咫尺馬盤旋如倒蟻一夫當關孰敢開函谷虎牢那是擬草鞋坡路削如箭更歷大小二相見空中星斗仰可捫足底雲霞飛片片枇杷洞深窅莫測望城坡掛青天側蹴蹴羸驂策不前偏橋橋

上日將夕偏橋城中一萬家九衢錯繡何雄華
干戈十載未休息白骨相撐如亂麻往年征播
當暑月千村萬落勞徵發去年逆命兩江苗草
管雞豚恣誅殺大軍之後復因歲祝融旱疫互
爲厲祗今破屋夜啼烏舊鬼未歸新鬼至昨夜
焦溪羽檄寒行人心折泪闌干五湖烟水不歸
去萬里空悲行路難

華嚴洞

舊名枇杷洞

古壁枇杷不計年忽開佛地湧青蓮石當鑿後

初成路洞入空中別有天巖溜巧垂芝蓋影香
厨遙引竹橋泉禪心到處耽幽賞龍蟄秋潭鶴
唳煙

飛雲巖

驅車上東坡如入黔西界投餐盼蒼巖空青如
倒掛蘿磴矗雲端水木森參會石屋覆成天乳
花凝光帷窻窳洞棲煙漫澗沙飛瀨時穿芳林
杪迥出諸天外百里俯丘陵寒溪渺襟帶鷗巢
嘯悲風蟬穴鳴虛籟狼烽幸救寧村原繡如繪

盡旌旂

親提一旅靖狼烽七縱何須羨卧龍雲裏銅標
懸夜月軍中金甲散春晨六韜秘策傳黃石百
戰勲名勒景鐘聞說水西猶羽檄燈前風雨嘯
芙蓉

詞壇登在將壇先坐障西南半壁天醉倚金鞍
虎落布聞燒銀燭奏霜絃雕龍文出箋常涌射
虎弓開石盡穿文武中朝誰得似未應長鎮夜

郎烟

帝里分携三十年重逢鬚鬢各蒼然情深豈問
雲泥隔坐久頻教鼓角傳世事祇今堪涕洟官
遊何地不烽烟滇南吾已成歸計卧看雲雷着
祖鞭

安順署中小山

千巖萬壑夜郎西古洞仙源處處迷爭似小山
官署裏行人吟賞盡留題

雙明洞

天斷懸崖翠倒鋪碧潭千尺樹三珠雲根劃出

雙門峙石髓融成萬象殊龍蟠乍驚砧杵起鶴
飛長傍佛牀趺尋真欲逐仙源去洞口桃花近
已無

關索廟二首

渡瀘當漢季通道出雲稍功已同龍卧泉猶記
馬跑風霜寒劍舄伏臘走苞茅松檜棲靈爽年
年鶴鶴巢

傳說征蠻日將軍血戰多南人終不反西土竟
如何陵谷名長在丹青像未磨英雄千古意客

子欲悲歌

盤江

已飯盤江館隨過盤江渡恠石崩綠潭殘日蒸
紅霧雷電怒喧應蟬騰飛盤互吐氣如金蠶中
者不跬步我來值芳春澗澗猶奔注津吏艤蘭
楫催客勿復住僮僕幸未痛欺段已僵仆矯首
盼羊腸杳若雲霄路尚有啞毒泉驚心屢回顧
薄暮入山城含哀自相訴

碧雲洞

翠微天際橫秋黛拔地雲根鼇不戴誰搽鬼斧
走五丁渾沌劃開山骨碎洞前圭竇不盈咫凝
綠寒潭清見底懸崖百尺地爲天萬朵芙蓉皆
石髓路轉沙迴陡昏黑愁霧陰風莽蕭瑟天窓
忽透日光來皎若扶桑初辨色懸溜盤空千萬
狀危石獐獍屹相向刻畫還疑出化工瓌竒各
自成色相天矯龍蛇鱗帶雨雙鯨撥刺欲飛去
安得青精種石田任觀仙奕爛柯斧巖頭水畔
恣躋攀頓忘身世在人間白雲片片飛不極流

水一去何時還流水白雲復誰有瑤草金膏應
在否行役誰憐丘壑心風塵萬里空搔首

度碧雞

紫海迴風控百蠻傳車西出碧雞關尋常只道
滇中遠更隔滇中十日山

安寧溫泉次楊用修韻

靈砂蒸地脉暘谷沸成湯孤館雙崖削寒塘半
畝方優曇非有種豈蕊自生香砌石凝苔碧騰
煙射日黃醉應眠水底閒可泛溪傍纓以無塵

淨心從不垢涼滑增紅膩玉色沁綠沉槍秋水
含珠女清時傳粉郎難投交甫佩且宿贊公房
回首湯城下淒然憶故鄉

捨資讀楊用修垂柳篇

成都才子神仙謫池上鳳凰毛五色一旦批鱗
向夜郎金雞望斷無消息夜郎烟柳日低垂腸
斷臨池歸院時長沙不召賈生返千載空傳賦
鵬詞

青華洞

蒼崖低覆暝含煙徑竇重重秉炬穿山骨斷疑
神斧巧天窓開似佛光圓苔衣溜雨經年潤石
乳凝珠四壁懸白鶴不歸丹竈冷彩雲長護紫
芝田

入署四首

夙抱向平想好作盧敖遊千里每命駕涉險恣
冥搜雖已徇微祿時復懷滄洲側聞夜郎勝遠
在南天頭泰華拔地迥滇海涵天流幸結區外
緣敢復辭遐陬春風吹傳車黔巫阻且修盤江

靜無波闊嶺懸如鉤清暉信娛人到處成淹留
千騎何翩翩十二朝諸侯橐韉走列校琛賁來
群會還同漢司馬檄諭西南州却笑王子淵區
區碧雞求豈耽紆紫榮良愜寢丘謀方用慙素
餐無爲生離憂

驅車道逾西山箐深且阻崖狹幘不容獨行良
踣踣立馬龍頭關蒼然見平楚積翠當太白雲
屏列如堵五月雪照人風來不知暑官署倚山
麓爽色棲眉宇東面葉榆河灣環新月吐危堞

控川原連薨列萬戶分陝亦雄哉高牙建旂鼓
地僻稀簿書年豐茂禾黍端無氛侵憂且作湖
山主晏起步前楹行樂事場圃谷風習習來白
雲散爲雨閒庭開紫薇枯藤竄羈鼠流螢自會
心獨寤爲誰語

蒙氏全盛時雄據西南陲登封竊天紀負嵎勤
王師至今西洱河猶沉無主屍包茅竟不供王
會徒羈縻玉斧一以畫永與華風辭陸沉三百
載蛇豕相蕃滋神祖闢鴻濛日月被華夷光

天訖聲教重譯咸來茲棧樸旣濟濟魚鹽焚熙
熙村落有絃管箐林無鼓聲負載收甌窶犬足
夜生羗小臣竊際會席豫空舖糜常懷百塵戒
敢圖三徑資心跡雖寂莫歲晏應自知

商丘有散木輪菌蔭百畝鬱蹙靡中程獨以不
才壽人生風飄花茵廁亦其偶榮何必金閨仕
何必廩厚素心儻不渝絕域復何有渡海嗟漢
賢居夷懷魯叟矧茲明盛時荒服羅堵牖金蘭
白雕題委命牛馬走蠻市雜居塵海貝充擔負

村帘酒呷麻出麥醬新蒟機婦輪毵毵魚丁下
疊筍雖非中土華未覺夷風醜所恨隔修途羽
翰絕賓友登樓不成賦明發空搔首

之雞足道鄧川宿淨度菴

官舍厭簿書傳置苦跋涉所欣恣流攬頓忘疲
登躡晨興號僕夫軟輿裝輕笈行行百里餘村
鄙間荒堞漸覺塵市遠稍與靈境接寶樹秀三
花寒松張五鬣霜阪何逶迤蘿磴亦截業忽若
捫九天項臂相蹂摺修復入重淵目眩意惟怯

微雨時過雲林巒淨於沍奇象互爭呈勝情良
已協遠寺度微鐘谷風鳴新葉解鞍憩方牀塔
雲自明滅

放光寺

松陰廻合隱禪房華首門高映下方山翠遙橫
青玉案佛衣時放白毫光琅函新出中宮賜
寶篆猶焚內府香演罷三車僧入定天花如雨
落繩牀

登玉皇閣

宿雨初收山轉青
籃輿時向竹間停
路迷翠靄聞僧語
人扣玄關墮鶴翎
虹氣半空浮玉檢
濤聲萬壑瀉松屏
蘿衣染盡煙霞色
醉草黃庭一卷經

登雞足

鷲峰西飛來南天
標靈境九折逗遊雲
三足峙神鼎秀色
芙蓉姿橫霄插青
冥蘿磴穿松陰翠
濤拍衣冷屈曲復
峻嶒方步不得騁
杖藜挾山僧奇蹟
時扣請仰瞻迦葉
殿金碧互輝炳片
石

掛袈裟孤燈燃簪箸手攀猢猻梯危與緣木等
意愜目屢移足憊心逾猛欲罷勢不能夷猶凌
絕頂天宇政淒清六合望虛迴茫茫但一氣開
闔千萬頃黑水近可桴蒼山勢猶挺含黃指金
沙積素面雪嶺已快升階天翻虞下墜竄懸崖
怯舍身絕澗跳縮頸禮佛臺已空團瓢席尚整
縱觀仙人枰共漱功德井步度華首門排空障
雲屏時放白毫光千峰金粟影憑虛俯下界塵
夢遽然醒名理演三車妙諦聞宵縈升降敢辭

疲色空行自省匡坐息百憂松堦月方永

登雞足絕頂

猿梯鳥道翠微連靈塔孤標日月懸
禹服河山開六詔上方雲木接諸天
金沙雪嶺千重色蠻甸神州萬竈煙
欲借罡風吹羽翰化城深處息塵緣

宿水月菴

嵐翠匝香林僧寮花木深
人天空有相水月復何心
蒲榻金光現松房野色侵
夜涼諸品靜萬

壑起潮音

石鐘寺

月洞與雲泉探奇更問禪石殘鐘已改山老鉢
蒼厓嵐靄千峰合松濤萬壑傳西來寧有意隨
處是諸天

華嚴寺觀 賜藏

楫林百丈枕名山紫氣遙臨霄漢間貝葉真言
重譯至蟠花宮錦尚方頒祝延中使題銀榜聽
法孤猿獻玉環莫問傳衣當日事 聖燈今已

照諸蠻

望點蒼山

點蒼十九峰一一芙蓉青
縣亘百餘里疑張雲
母屏鳥道當太白鐵壁排高冥
白雲遶其腹玉帶橫萬釘
一峰一溪流奔卸如建瓴散
入市塵間家家鳴琮琤遠近
注眇隰木黍藉生成陰崖
四五月積雪輝廣庭陽光照
不及力與造化爭北麓產文
石玉質聲瓏玲濃淡合圖畫
蒼素何分明追琢豈天巧醞
釀誠地靈馮河不可極垂

龍猶潛腥林巒非一狀蘭若梵連薨相對不數
武空翠盈窓櫺奇境趣自合絕域心所輕悠然
獨長嘯忘此支離形

三塔寺

浮提鼎峙曲城隈蒼嶼屏張磴道迴夾路松濤
分野色入門花徑隱香臺寒鐘扣月山山應精
舍迎雲面面開飛蓋歸來雙樹暝石牀流水閉
蒼苔

弘聖寺

亦名一塔寺相傳
阿育王所造塔也

靈鷲西飛積翠來阿王孤塔尚崔嵬半巖雪照
雙林曙上界鐘催萬戶開天際葉榆衣帶水雨
中禾黍錦雲堆憑虛未盡登臨興更上翻經百
尺臺

觀瀾閣望洱河

玉案山前洱水流一彎初月遶榆州重關雲鎖
蛟龍窟絕島天浮鸛鶴洲火樹寒光搖草閣桃
花春雨送漁舟風波渺渺愁人遠慙媿沙間雙

白鷗

六月廿五

滇中火把節

赤雲連空星照野家家燃炬茅簷下千束松明
雜草花佳節相傳名火把云是孟獲七擒時父
老擁篲迎王師蒙氏借此併六詔千年勝會翻
成悲祗今相沿猶未廢却望火色占年歲羈人
隨俗且權娛火樹銀花憶故都

中和山二首

籃輿十數里方及此山腰逕僻行初闢峰迴望
漸遙松濤暗捲雨海色夜生潮昏黑藤蘿外經

聲落碧霄

扶風傳地勝

漢書注山似扶風之狀

中岳竊纒封

蒙氏封點蒼爲

中岳雲出諸峰接溪分衆壑從孤城含暮靄遠水

度寒鐘政想爲霖日蒼潭起卧龍

時久旱得雨

登郡譙

南詔五華樓故址

麗譙百尺挂飛霞遺址猶傳舊五華山勢排空

雲作帶河流遶郭月生牙新禾飽雨連阡陌晚

市浮烟起萬家陳迹傷心隨逝水不堪戍角亂

棲鴉

七月廿三日西洱河觀舟戲

煖風遲日洱河濱
帆影如雲百戲陳
綵鷁怒飛珠樹雨
紫騮驕蹴落花塵
笙歌夾岸開蠻市
香燭登壇賽海神
夜艾嚴城猶未閉
家家燈火醉歸人

已未初度

愁心對酒強成酣
冉冉風光五十三
蓬矢豈能忘薊北
萍蹤猶自滯天南
壯年已過官無味
炎徼初來氣未諳
病骨支離家斷絕
尋思惟有解

朝簪

作家書

倚閭白髮泪闌干，萬里遙天鴈到難。
瘴癘窮愁俱莫道，只須珍重報平安。

冬日行部

洱河風晝冥，蒼山雪夜曙。
歲晏復何言，牽衣不遑顧。
蒙袂穿棘林，解鞍投荒署。
慙慙割兒女，腸終慙丘壑素。

長至後宿鄧川

冉冉日南至蕭蕭風北鳴豈堪多病後更作省
方行落葉霜中路寒筇雪裏城孤燈與衰髻相
對坐深更

和山花

有引

此花無別本產龍首關和山之麓無名也故
以其地名之樹高七八丈葉如桂凌霜不凋
花以十一月開白色如蘭香甚一花十二瓣
遇閏輒加一焉

桐葉應閏不作花藕根逐節埋泥沙豈有仙姿

挺霄漢瓊英翠幄隨年華花開如蘭葉如桂十
二分張歲功備造化歸餘花亦羸此豈人工實
天意誰將弱卉司化工孤根無種鴻濛中慙同
松篁傲冰雪豈與桃李爭春風春風年年自消
息瘴雨蠻烟人不識安得移根近太清坐調四
序定三極

蒲陀崕

四山圍已合一徑復何之岸束層灘怒沙崩曲
磴危風雷喧永晝烟火斷荒陬牛馬成何事勞

勞無已時

宿觀音山驛

數椽荒驛卧溪濱
溪響秋聲枕上聞
斗帳夜寒眠不得
半窓明月一塔雲

鶴慶道中二首

蚤起穿林簗陰風
颯送涼曉鐘山寺月
寒燒竹橋霜反徑
盤金斗層峰
列劍鏃空將叱馭
意辛苦向南荒

高山復深谷
盡日斷人行
削壁藤蘿路
崩湍風

雨聲瘴烟侵馬病伏石觸輿驚百里斜陽外遙
遙見斗城

望雪山

山行數百里貿貿靡所屆迴上四盤坡我馬痛
以憊千峰繞翠屏驚見玉龍掛爛如白芙蓉橫
聳青天外斜日正照耀銀宮起光粧皓質亘四
時千秋復萬代玄鶴不敢棲瑤草紛映帶未懷
面壁踪結想香林界坐令俗骨清頓覺宿願快
安得御冷風凌虛飡沆瀣

鶴慶懷古

歷盡青山見野田，蠻封四塞尚依然。
蛟河暗瀉千峰雨，雉堞新圍萬井煙。
古寺佛光秋映樹，寒潭龍氣夜浮天。
雄圖二百年前事，父老時猶說潁川。

發鶴川飯鸚哥舖宿金沙江濱二首

崎嶇百餘里，疲馬不勝鞍。
林葉寒猶密，溪流落更喧。
石中微有路，山下竟無村。
日午投餐處，行厨倚敗垣。

登高仍屢險客思亦悠哉路斷松根接峰迴石
闕開陰崖時積雪怒澗忽奔雷孤館江邊宿心
驚夢屢回

渡金沙江

金沙江水西天來五月灩澦驚奔雷萬馬騰空
白日吼匹練倒影蒼冥迴傲骨飄零轉荒服夷
歌嘔啞生秋哀渡瀘擊楫千古意風塵滿眼流
年催

順州

萬壑雲屯虎豹關。田園村落有無間。孤城斜繞
三門市。空館平臨四面山。鳥道天高連白草。螺
聲月黑吼烏蠻。沙村猿叫行人絕。一夜鄉心鬢
髮斑。

北勝州

盤西南翠萬重雄。關遙控最高峰。江光天外
浮千雉。山色雲中掛九龍。地僻有村皆作哨。時
平無柰不歸農。浪遊到此真奇絕。夜海漁燈曉
寺鐘。

宿達旦哨

金沙西上達旦哨百里無烟路蹕蹕黃頭戍卒
解鳴螺黑齒羅夷工射豹長風吹沙雲冥冥金
剛籬繞松棚青可憐中天月色好獨照離人坐
秋草

賓川州

一城如斗大四野草離離地勢分三縣耕人雜
百夷銀場秋鍛急鐵箐夜烽遲最喜清霜後黃
柑樹樹垂

烏龍壩

一泓清淺流乃在層峰巔建瓴東南注沮洳爲
膏田玄工不可測造物無枯偏烽火靜四陲猖
獞皆受塵秋霜飽甘果蘇柚交新鮮甌簍祝滿
篝婦子嬉晝眠歎息作者勞濡砌中憂煎

已未除日

逝水年華去不休浮萍身世轉悠悠歲當北陸
將殘夜人在南天欲盡頭鎖印慙同兒女笑呼
盧却憶少年遊蠻中氣序無寒煖一任東風報

曉籌

庚申元日

斗迴青帝漏聲殘
雪霽蒼山曙色寒
五尺道通秦日月
百蠻王會漢衣冠
佛方盡獻檀爲供
炎徼驚傳菜滿盤
惟有羈人雙淚眼
幾回望斷白雲端

感通寺

一名蕩山寺漢建唐修高皇帝
有御製賜僧無極詩并序石刻四

壁金繪相傳吳道子本也
殿後有輪藏堂中有佛跡

寶地琳宮漢復唐人天四壁起毫光風中細柳

縈徑騎林際孤鐘度夕陽石笏雙趺傳佛跡山
雲五色護宸章法輪不轉諸天寂嵐翠松濤
滿上方

送李達生刺史遷蒲郡丞

逢君便復送君行閩海滇池萬里程鷺嶺獨高
循吏績鯉湖爭似大夫清官亭荔熟緋連路仙
掌雲開翠滿城到處名山供彩筆風流千古李
長庚

柳綠桃花拂紫騮獨隨一鶴到楊州玉龍已斷

懸刀夢銅虎初分衣錦遊海上千旄新五馬中
原壇坫舊千秋定知九里成沮洳時向污邪祝
滿篝

庚申三月賡捧北上

四壯起征塵春林綠葉新千秋天北極萬里日
南臣暑雨烽烟路艱危老病身故鄉歸未得腸
斷倚閭人

祿豐道中風景宛如去年時所見

鴛粟花開白間紅傳車西去復還東蠻天萬里

無春到到得春來又客中

次松林驛

春雷坊下樹陰陰岐路東西傷客心
共道東方顰鼓急傳車西出碧松林

炎方驛

丹山迴合亂松蒼茅屋無煙古驛荒
四月東風寒雨急行人不信是炎方

傷霑光皿

土城庫且惡寒烏啼不休四郊無人聲
白骨猶

未收天空秋月明野鬼鳴啾啾停車問父老喪
亂何因由父老前致詞雙涕交頤流去年七八
月犬羊互相讐水西與公烏撒禍孽成中葺烏鼠
既竄析人民遭虔劉裨將不量敵孤注輕一投
賊軍方鼓噪我師奔若牛哀哉千義軍血肉堆
山丘武功既不競文德誰見柔翻令豺狼輩飲
至欣適適天討亦以稽國耻何時酬禦戎有上
策王師重伐謀寄言遼左役請看霑益州

儻塘

荒驛滇南問騎卒，黔爲政官吏竄他方。停車靡
所騁，土弁恣斜驚卒起，相凌競客子，解私囊，招
募稍來應。千貝僦一步騎，復倍其數。日出延停
午，始獲就官路。枵腹抵空郵，安得惡草具。我馬
玄以黃石徑，屢顛仆。辛苦勿復言，且叱王尊馭
可渡。

午飯雲關舖，暮投可渡驛。已知滇界窮，漸覺黔
山瘠。疊嶂何差義，寒溪自瀉沚。古木盤虬蛇，陰
崖逗雲日。閒無鳥雀聲，深藏豺虎宅。梅子枝頭

青梳花林際白飛橋亘長空勢若截天霓荒裔
魂乍驚奇覽趣亦適相勞呼斗酒且以破岑寂
發可渡至烏撒遇雨

已涉可渡水還陟可渡山削壁刺天起石徑何
盤盤惡木枝糾結飛猱騰其端鬼車啼向人毒
蟒如虹蟠寒雨旣淒淒愁雲復漫漫烏道不五
尺仄磴翻銀鞍日暝見孤城道左有壺殮空館
聊假寐一枝亦自安

雨中滯烏撒

四月雨連旬山徑不可步夜眠土榻中寒來擁
重絮蠻方氣候殊涼暑倏變互水涉多含沙林
行饒瘴霧孤館乏置頓草糗粗難茹四顧靡所
之幃帷聊暫駐猿猱嘯何哀朝朝復暮暮

雨次瓦甸

出門見朝曦僕馭皆色喜行行穿林箐微雨作
復止須臾益滂沱轟雷鳴谷底石稜觸我輿泥
淖動沒趾我前梟瞑啼我後猱突起百里無人
煙時復逢鹿兕茅屋解征鞍嗒然此隱几

次黑張

宿雨雖云霽沮洳尚沒陂伏石如狼牙齟齬
相磨馬善幸不驚車重輒愁破遙遙無村煙
塼僂忍饑餓野豕突曳泥飛鳥哀相和風如
邊塞寒客作洛陽卧勿嗟行路難吾生應坎
坷

過七星關

是孔明祭旗處

運移人去事冥冥猶有雄關紀七星魚鳥尚橫
當日陣蟲書半蝕舊時銘虹飛兩岸橋拖玉雪
噴重崖水建瓴懷古傷心誰可問猿啼四壁曉

山書

周泥

朱明節已屆鬼方行未休
遠道與愁雨相苦成
淹留羅夷銅約臂蠻婦在
銀頭濁醪無處買何
以紓離憂

畢節

亂山行欲盡雄鎮在兩隣
天險黔連蜀人居漢
雜夷雲封關索廟雨饒孔明
旗馬首烽烟靜駢
駢隨所之

懷莫愁侍兒

連旬榆莢雨枕上若爲情丰帳梅花影夢中疑
是卿山憐眉黛秀粉鶯讓子歌清莫上高樓望
山無鴈聲

歸化

歸化何方驛迎人是土司盤餐羹常重輿祿語
休憫茅屋泥塗淨山田火耨宜淒淒涼涼還自笑吾
道在居夷

閤鴉

水西九驛路原不屬官家地靖銷封豕山遙入

閣鴉駛音傳漢把

通事也

鬢髻綰偏髻馬首誰投

牒僉名是阿奢

安宣慰婦世執國柄

端陽寓閣鴉

登山渡水雨泥塗夷館淒涼節候殊千里水西
氛祲息不須更佩辟兵符

金雞

郵館俯清溪金雞朝暮啼候人供火米行客洗
轡泥洞古多烟霧夷馴少鼓鼙插秧梅雨後處

處唱銅鞮

奢香

一名西溪

西溪溪畔路戰壘鬱連雲地是奢香寨人皆娘子軍
山深無毒瘴夷熟盡耕耘更喜村居密雞豚滿夕廳

水西

立馬見孤城千村息戰聲祇今山下月猶照水西營
耕雨春驅犢眠雲晚聽鶯主恩深帶礪勿復厭昇平

谷里

谷里三家市仍爲暴雨淹
逢人無漢語人饌有
戎鹽溪釣青鱗小村沽白
釀甜亂峯相對晚空
翠滿茅簷

六廣

雨後溪流漲扁舟不可乘
夷方行欲半畏路日
相仍危壁雲中立荒郵木
末登灘聲與嵐氣五
月未炎蒸

龍場謁陽明先生祠

前有君子亭先生手植竹也又有何陋軒

萬死此投荒孤亭竹尚蒼已廿莖魚腹寧復陋
龍場冠舄瞻靈爽風雷護諫章百年深仰止下
馬奠椒漿

遊陽明洞

片石礚礚雲木稠孤臣曾此暫銷憂鶴來已覺
人非舊龍去空餘水自秋天意似應憐謫宦夷
方幸得借名流悠悠世代乾坤老猶有青山對
驛樓

沙木站

沙木荒郵三家市土官避客如避鬼信宿遲留
突不黔我馬玄黃車生枳晨興徙倚日復斜里
巷蕭條空荆杞樸隸四遠行捉人縲紲萊傭充
胥靡山徑蹶躓行不前蕭以愁霖泥沒趾前後
諄語哭泣聲坐卧不安心欲死路長月黑步步
僵茅竹燒盡燃麻杲更聞前途烏江西綠林枹
鼓不時起漏盡投宿促解鞍家人慰勞交悲喜
嗟乎行路之難有如此誰使爾一官牢落行萬
里

度烏江

西南雄鎖鑰黔蜀此江分
鳥道雙峰夾寒濤百
里聞香林殘積雨苔洞濕
留雲漸離蠻方境馬
頭無夕氛

遵義

舊播州

四塞山河固千年帶礪疆
戎心終反側天意欲
冠裳山俯新城郭田開舊
戰場祗餘東逝水鳴
咽送斜陽

遵義道中

乍經蜀道險客思重淒淒天漏連旬雨山童百
折泥夷風初變戛戍壘半成蹊烟火前村起孤
城日欲西

三渡關阻水

霽雨苦不休溪流忽怒漲千山匯一壑勢若來
天上奔騰蹴萬馬簸蕩隨所向石橋割中崩竹
木紛四漾氣欲吞雄關動如浮孤嶂方桴不可
乘兩溪渺相望客子停水滸茅屋不盈丈卧與
雞豚隣坐忘僮僮抗矯首矚太虛愁雲猶未曠

王程不可稽憂心慙如恙安得駕龜鼉掃此天
吳障

龍泉道中苦涉

龍泉十室邑復際衆水鄉五月積霪雨沮洳成
汪洋地主苦留客走馬視津梁雲水渺無際向
若徒彷徨翌旦驅車行風波信所將初厲青岡
溪澎湃漸帷裳十里涉魚跳崩湍足屢僵沙灘
猶森漫穿崖如沸湯僕夫頂我輿微露頭與吭
中渡屢艱危恐充魚鱉腸侍兒與稚子膽落神

蒼皇寄宿道傍舍醺醺繞土牀跼蹐不成寐呻吟
嚙時發狂但得遠風波無爲中煎傷

客路瀨夜虎入室且聞前警

荒村無數家敗館餘四壁月黑陰風生猛虎入
我室僕從紛呌號人馬俱辟易拊劍起中夜兀
坐待曙色更復聞前途豺狼條出入千百嘯成
群剽煞無虛日虎患尚可驅此輩難蹤跡哨戍
列星屯強半隸鬼籍一句不九餐寧能荷干戚
天步苟如此四顧安所適

思南坡

千重煙嶂百重潭烈日愁霖總不堪立馬思南坡上望行人若箇不思南

武陵送桃葉侍兒南歸

紫燕雙棲三十年還如通德伴伶玄柳隨鸞帶縈秋水月送蛾眉上別船暮雨無情歸楚峽遠山有恨向闔天沉江聲共傷心淚一夜潺湲在枕邊

竹林寺謁寇忠愍公祠

江風吹草綠冥冥傳是忠魂此地經蘭種當門
千古恨竹生載道九原靈衣冠遺廟開新像風
雨殘碑蝕舊銘莫問澶淵當日事汴宮芳樹已
彫零

江陵懷古

楚宮王氣已彫殘空有雄圖憶建安煙水連天
浮地肺帆檣帶雨簇江千人歸沙市勾欄晚鴈
度章臺睥睨寒此夜仲宣樓上月銷憂莫作故
園看

過張相國故居

功成翻恨寵難居
城郭蕭條第宅墟
四十年前城下水
曾迎丞相紫雲車

襄陽懷古

漢江如帶楚雲西
柳色荷香滿大隄
游女何時投玉佩
小兒猶自唱銅鞮
碑殘幾墜思羊泪
人去空餘躍馬溪
惟有習家池館在
可容山簡醉如泥

南陽

孤城環清水孔道曠悠哉王氣春陵盡斜陽車
馬來雲封三顧宅草沒四愁臺無限揮戈意臨
關首重廻

博望

井邑千家今相傳博望封蒲稍初入漢竹枝盡
携叩王畧勞空遠仙槎去未逢昆明今不閉使
者謾言功

葉縣

飛鳥當年事有無玉棺石室閉榛蕪祗今華表

歸來日十里垂楊噪暮鳥

襄城

七聖迷時騎乍停謾勞牧豎指山靈于今來往
風塵客南北東西總未醒

新鄭

有軒轅洞黃帝受神芝圖處

古洞不可識神芝空復聞溪流溱洧合山色具
茨分野墓侵風雨孤城宿水雲緇衣人已遠惆
悵對斜曛

鄭州道中

赤地頻年旱今年雨數多今年水城邑半
成河敗屋無烟火荒郵長途蕭索輿猶可濟捐
瘡竟如何

渡黃河

六月復七月渡江仍渡河關山舉目異風雨滯
人多天接孤帆隱濤驚萬馬過從來世路險到
處是風波

衛輝

太行高峙大河旋帶礪分藩四十年千里帆檣

城外影萬家燈火，邸中煙朝歌舊俗猶存。衛午道行塵半接燕，却憶孫登長嘯處。蘇門山色，黛雲邊。

鄴城懷古

名都古道接幽并，千里垂楊暮靄凝。城抱韓山秦上黨，臺臨漳水魏西陵。繁華俗在長歌舞，爭戰人亡自廢興。惟有龍泉井，似昔居民猶解說孫登。

叢臺

趙宮花落春無主風捲叢臺沙作雨宮中主氣
久銷沈臺上美人罷歌舞歌舞繁華世代移夕
陽古道黍離離車塵馬足年年換惟有漳河似
舊時

順德懷李于鱗先生

岳色邢州近河聲大陸遙斯人不復作風雅竟
寥寥草沒侯芭里苔空豫讓橋不勝懷古意班
馬夜蕭蕭

渡滹沱感事

客行當赤地一葉渡滹沱孔道風塵合邊城烽
燧多柴門屯萬騎年少慕三河却憶冰堅處蒼
蒼意若何

賁捧入都恭遇 大行皇帝上賓哀述二

首

鳳城王氣黯彤檐猶向鴛行望御簾日日山川
隨馬足九天風雨墮龍髯高居祗合神天護襲
吉空勞太祝占四十八年垂拱日朝衣雙袖泪
痕沾

共球萬里祝南山華玉俄陳西序班神教龍淵
猶在握風雲鶴馭竟難攀璇宮夜冷金縢閉武
帳秋深玉座間主器已傳河海晏蓬萊應自勝
人間

泰昌 大行皇帝哀述一首

嗣服方彌月仁聲布九垓元臣頽否對帝綱
頓宏開視政傳魚鑑憂邊散鹿臺萬幾勞聖
主喜極轉成哀

舜治日初升周齡夢未增衮衣方書接玉几忽

朝憑雷繞玄宮座雲霧紫殿燈夜來猶賜宴淚
洒御墀水

定州道中

已有悲秋感還深懷古情望都堯故里樂浪漢
邊城柳色霜前老車塵雨後清劇憐北征者馬
首又南行

出京渡黃河

扁舟九鴈渡黃河洛水蕭蕭水自波去國一身
家兩地西風吹雨鴈聲多

洛陽懷古二首

黃河西遶洛陽迴寒色悲聲薄暮來漣澗不流
周鼎去松楸無主漢陵開園餘金谷斜陽樹街
卧銅駝積雨苔莫上天津橋上望東風無數杜
鵲哀

雲中伊闕俯函關百二神州指顧間故國宮墟
荒草合名園春盡落花閒千年往蹟名空在九
曲長河去不還最是傷心明月色夜深還照北
邙山

鞏洛道中

搖落驚心塞草烟
高秋遠道思緜緜
五更函谷聽雞度
十里桃林繫馬眠
風打白楊聲似雨
月明野水色連天
尺書欲寄孤鴻去
知在閩山海邊

陝州

召伯甘棠處

地勢岐周接遺風
亦自佳重關終古壯
分陝至今懷官路
頻穿谷民居半穴
崖河流看砥柱秋
興浩無涯

鼎湖有感

鼎成龍去水雲孤此地猶傳舊鼎湖今日龍髯
攀不逮松林風雨夜啼烏

入潼關作

立馬重關最上頭河山百二帝王州雲中華岳
三峰削天外黃河一帶流風雨殷函秦地夕松
檣井邑漢時秋灞陵橋下無情水送盡年華去
休休

渡渭及涇

侵晨涉渭水薄暮渡涇河渭水清可鑒涇濁何其多
泉源本一脈貴賤乃殊科貴者寧受賞賤亦安見訶
不若干頃陂混茫合太和臨流再三歎聊爲鼓枻歌

咸陽

函谷重關險可憑咸陽官路直如繩三秦文物成
今古四塞山河幾廢興平楚東西迷漢苑夕陽遠
近見周陵傷心更復逢搖落鴈叫西風渭水冰

馬嵬

皓齒明眸不可招他生無復可憐宵霓裳聲逐
君恩斷羅襪塵隨艷骨銷夜雨淋鈴愁不散神
山碧落望空遙行人莫采殘香粉留與游魂伴
寂寥

秦嶺

孤峯削壁挂飛霞白草連天鳥道斜百二雄圖
堪駐馬雲橫秦嶺莫思家

棧道

三秋初去國萬里此孤征
謝豹聲中夢王陽道上行
路緣山趾轉崖接樹根平
更愛滄溪好潺湲曲曲清

梁州

鳥道曲巉巉嵐光滿碧杉
輿人輕度險木客慣居巖
水漲橋全斷崖崩石半銜
樵蘇堪藥業生計在松杉

武關道中

四壁丹楓照綠苔
三巴秋老木蓮開
層巒隔澗

連還斷曲棧綠崖去復來白馬山空猿叫月黑
龍江怒石鳴雷不堪懷古增惆悵漢死秦關幾
劫灰

褒城

雪滿巴山行路難風吹污水起迴瀾棧連馬首
雲千疊關出雞頭路七盤漢壘北開斜谷斷秦
天西盡獵池寒興亡滿眼空山土詞客悲秋泪
未乾

五丁峽二首

天險何年闢征途路不迷徑通山骨斷峽束水
痕齊老樹縋猿臂平沙印虎蹄却憐塵土客窮
歲尚棲棲

金牛初得路鐵馬已嘶風坐使雄圖盡虛傳力
士功懸崖藤捲雨陰磴石排空往事青山在猿
啼明月中

入蜀

雄關初入蜀連棧已辭秦千疊山迎馬數聲猿
向人雲愁籌筆夜花暗錦屏春萬里吾遊倦何

心更問津

籌筆錦屏問
津皆蜀驛

朝天嶺志哀

虎拜嵩呼事寂寥
翠華鶴馭望迢遙
不堪更上朝天嶺
獨抱遺弓哭九霄

閬中

天連雲棧障西荒
地接巴江一水長
洞裏石門傳玉女
山頭亭榭憶滕王
暖風閬苑吹楊柳
明月寒溪照海棠
最是南樓搖落夜
猿聲偏斷旅人腸

夢歸

熊車行萬里鳥道出三巴影與形爲伴身隨夢
到家土蕎飧未慣市語聽徒譁不分山林骨風
塵老歲華

安岳道中

十月尚炎歊山行暮復朝踞峰多有寺阻水半
無橋草具炊偏晚荒郵里倍遙客魂消絕處還
得子規招

瀘州東蘇來卿觀察

孤城高控蜀南邊
龍馬潭空白鹿眠
燈火千家朝暮集
江聲萬里去來船
村童慣習巴渝舞
驛馬愁嘶鬼箠煙
幸有郢人歌白雪
不妨蜀道上青天

永寧觀虎

君不見見蘭州土司奢宣撫堂下
牧馴雙猛虎
項曳百尺鐵銀鐺
校人牽之如牽羊
目光瞬電文錦張
雖受羈繫行昂藏
雄姿豈爲耳目玩
猛氣未忘山林長
仰天長嘯風瑟瑟
雞犬豺狼四辟

易慣受豢養距知恩欲恣搏噬愁無力土官愛
虎粧虎牢日飼牲畜時爬搔媚順似有梁鴦術
厭勝寧用黃公刀吾聞養虎患自遺野心室處
詎所宜莫恃樊中斲帖耳終防出柙難嚮邇胡
不驅之比渡河耽耽肉食徒爲爾嗟嗟土司亦
如此

入滇

長安萬里道來往半年期榆莢飛錢日梅花破
玉時愁添絲髻白塵化素衣緇馬首蒼山月能

無笑客癡

庚申除日

竄跡滯南天，隨牒之京國。一去一萬里，遙歸不
遑息。初及青陽暮，不謂殘歲逼。冉冉日西馳，冷
光倏焉匿。兀坐對椒盤，舉觴淚沾臆。高堂遙倚
閭，兒女散異域。各在天一隅，奮飛無羽翼。寒漏
苦不停，霜鐘催曙色。矯首望東風，聊以散幽惻。

辛酉元日

蒲城簫鼓曙光新，政是龍飛第一春。拜仗疑瞻

仙掌色行衣猶帶 帝京塵愁翻曆尾無多歲
笑酌杯中輒讓人馬齒已衰雞肋淡蹉跎五十
五年身

天生橋

傳是大士鑿洩洱水處

尾閭誰鑿此佛力至今存山骨斷還續河流東
自奔濺珠梅不謝噴玉雪常翻隔嶺雲深處樵
歌出洞門

永平道中

林箐紛相接檐帷望屢迴霧深寒亦瘴溪涸夜

還雷斷棧雲中出陰崖地底開斜陽千樹暝鸛
鵲盡歸來

打牛坪

江遶不韋城雲封諸葛營却令驅馬地翻作打
牛坪草木旌旂色霜風鼓角聲祗今春雨後何
處不深耕

渡蘭滄江

雙崖鳥道方盤旋下視蘭津井底眠空中石飛
時到地谷口木密常無天截流鐵絙鎖翠壁吹

浪毒蟬浮紅煙武侯祠下薦蘋藻弔古洒泪西
風前

飲九隆池作

九隆山下清淺泉雲根迸出珍珠圓水花雪竇
噴不盡下注百頃玻瓈天青天倒挂銀河冷雲
母屏空見山影荷錢貼水縈釣絲柳線隨風拂
遊艇沙棠之楫何夷猶笙簫酒炙坐兩頭微雲
過雨風瑟瑟水氣入座疑清秋漁吏雨散日西
下新月在林星照野燈華夾岸彩虹飛火樹騰

空四山赭呼盧藏鉤隨意作妙舞嬌歌恣歡詭
往來偏覺有情癡夜艾還行無筭爵騎馬歸來
倒接離九衢列炬照前麾兒童莫笑山公醉此
地重來未有期

暮春登永昌城二首

萬竈連薨九陌平日斜無數管絃聲林烟浮翠
遙彌野山色空青半在城金齒諸夷時互市銀
生孤戍尚屯兵柳條桃葉春光暮遊子天涯何
限情

八道通清集 卷之十一
太保山頭春雨晴九隆池上暮雲平高低堞帶
寒松影遠近林傳布穀聲虎魄鏤金蠻婦市羊
裘荷耜獮夷耕酒帘風動人皆醉閒撥檀槽說
孔明

傳衣寺

竹林凝翠雨花飛路轉空山客到稀西域歸來
猶有履南宗傳後更無衣門臨松澗濤常落風
颺茶烟露未晞芍藥送香鸚鵡語禪心何處不
忘機

大覺寺

靈境近諸天花飛繡佛前空中寧有相覺後更
無禪山色迷朝雷鐘聲度夕煙却憐塵土客車
馬日喧闐

重過華嚴寺

洞天佛地遠塵凡空翠微茫濕碧衫隔嶺曉鐘
時度澗前峯寒月盡棲巖霜中四壁餘雙樹火
後殘經剩幾函惆悵更耽幽絕處數聲鸚鵡出
松杉

卷檀寺

錫飛初得地金布已成功千疊芙蓉翠一簾松
桂風鶴歸秋樹暝龍起暮潭空萬籟此俱寂經
聲香靄中

九鼎山二首

礪戶蘿堦一逕賒空青幻出九蓮華洞開古佛
人天相泉湧金光寶鼎砂嵌石僧房巢似燕縈
雲征旆路如蛇憑虛直上高樓望平楚蒼蒼麥
浪斜

未盡登臨一日程
扶藜還向北山行
空中列岫軒轅鼎
石畔棲僧舍
衛城遠近齋鐘巖巖罅
落象差佛火夜深明
毗盧閣上無塵夢
卧聽松濤作雨聲

初春二日同樊尚默學使飲一塔寺

一夜春歸柳未知
風吹巖雪欲殘時
峯頭玉局毫光現
雲裏金輪日影移
科斗數行神禹篆
香燭半炷武侯祠
莫愁歸路無新月
自有驪珠照洱池

滇曲二十首

秦時五尺道初開漢使昆明去不迴誰似車書
今一統山光凝黛水如苔

金馬雄關對碧雞泰華高控夜郎西萬家春雨
簾櫳暮列戌秋雲組練齊

紫薇吐艷桂飄香烟樹微茫水一方月殿虹橋
三十里至今人解說梁王

王氣烟銷霸業摧春花秋月夜猿哀昆明沈盡
英雄骨不獨長安有劫灰

獅山如黛鎖秋烟
龍隱臺棲老衲禪
一炷殘香千古淚
新蒲細柳自年年

十九芙蓉如翠屏
西當太白控榆城
莫愁南徼多炎瘴
六月家家賣雪聲

西洱河流月吐牙
四洲三島古恒沙
秋來陰火浮中夜
照見珊瑚萬樹花

洱海西飛雪竇間
邪龍石閉鶴飛還
松濤萬壑羣千轉
傳是觀音呌狗山

群山萬壑赴哀牢
劍戟鋒橫地不毛
彎甸秋深

行客斷怒江春濃瘴雲高

荒祠鐵柱繡生衣龍尾關前石逕微
七縱功成千載後南人猶自說天威

漲工江接麗江東金斗危坡削萬重
雲裏雪山寒不散斜陽一片玉芙蓉

雞足三峯勢欲飛猢猻梯斷暮鐘微
年年秋夜毫光現華首門中有佛衣

西南半壁古專城昆海華山帶礪盟
二百年來麟閣上何人得似沐西平

花氣長如春盡頭
香林軟草更無秋
賣花聲裏青驄馬
踏盡東風不解愁

越街士女手拈香
青帕垂肩繡帶長
一自觀音傳教後
至今盡作白衣粧

忽聞剝啄罷晨粧
客到無勞喚點湯
鸚鵡花間嬌舌轉
檳榔袖裏絳唇香

蓬紅高堆粉結花
膾脍飛雪韭初芽
松茵滿地縱橫坐
共酌銀筒啜魯麻

東風開遍映山紅
雪壓茶花一萬叢
日日金稜

堤畔路入山人海夕陽中

迤西少婦還空門得西天活佛存入定夜深
親受戒就中秘密不能言

寶井紅砂色倍深點蒼石質靄雲林年來內府
徵求少更道新恩減貢金

別滇

家在東海隅竊祿西南天相去萬餘里孤鴻渺
雲煙尺書不得達寸心空憂煎一夕腸九迴况
後經幾年飄如泛大壑隨波靡所援除書忽晨

歡聲如雷闐輕裘卸文石奚奴戒行鞭憲節
未足榮所願還鄉塵白髮方荷閭兒女喧門前
魂夢已飛越夏晷愁難延戀戀十九峯馬首相
盤旋勝緣良不偶愛想無相牽

小章齋續集卷之六終

小章齋續集卷之六